

/վարչական տույժ նշանակելու մասին/

«25» հոկտեմբերի 2021թ.

ք.Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Հայկ Միրզոյանս, քննելով Իրանի Իսլամական Հանրապետության քաղաքացի Կիոոմարս Պարիզկարի /անձնագիր՝ I38458733/ կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Իրանի Իսլամական Հանրապետության քաղաքացի Կիոոմարս Պարիզկարի անվամբ 23.10.2019 թվականի թիվ 05100041/231019/0000538835 մաքսային մուտքի օրդերով 1 /մեկ/ տարի ժամկետով ժամանակավոր ՀՀ տարածք է ներմուծվել RENAULT-TONDAR 90K4M մակնիշի, VIN-NAALSRALDDA229260, 25AA105 պետհամարանիշի, 2013 թվականի արտադրության տրանսպորտային միջոցը: Նշված տրանսպորտային միջոցը սահմանված ժամկետում՝ 22.10.2020 թվականին, չի արտահանվել ՀՀ-ից, որի արդյունքում խախտվել է հետագա վերաարտահանման պարտավորությունը:

Հայաստանի Հանրապետության Պետական եկամուտների կոմիտեի Հարավային մաքսատուն-վարչության ավագ մաքսային տեսուչ-իրավաբանի կողմից 01.10.2021 թվականին Իրանի Իսլամական Հանրապետության քաղաքացի Կիոոմարս Պարիզկարիի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի 1-ին մասի հատկանիշներով:

ԵՏՄ հանձնաժողովի 29.04.2020 թվականի թիվ 47 որոշմամբ մինչև 30.09.2020 թվականը երկարացվել է անձնական օգտագործման ապրանքների վերաարտահանման ժամկետները, եթե այդ ժամկետները ավարտվում են 01.03.2020 թվականից մինչև 30.09.2020 թվականն ընկած ժամանակահատվածում: ԵՏՄ հանձնաժողովի 11.09.2020 թվականի թիվ 79 որոշմամբ ԵՏՄ հանձնաժողովի 29.04.2020 թվականի թիվ 47

որոշման մեջ կատարվել է փոփոխություն 30.09.2020 թվականը փոփոխվել է և երկարացվել է մինչև 31.03.2021 թվականը: ԵՏՄ հանձնաժողովի 05.04.2021 թվականի թիվ 25 որոշմամբ ԵՏՄ հանձնաժողովի 29.04.2020 թվականի թիվ 47 որոշման մեջ կատարվել է փոփոխություն 31.03.2021 թվականը փոփոխվել է և երկարացվել է մինչև 30.09.2021 թվականը:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Վարչական վարույթի շրջանակներում հարցում է կատարվել Հայաստանի Հանրապետության Պետական եկամուտների կոմիտեի Ներքին անվտանգության վարչությանը՝ Իրանի Իսլամական Հանրապետության քաղաքացի Կիոոմարս Պարիզկարի սահմանափակումների պատմությունը ստանալու նպատակով:

Ներքին անվտանգության վարչությունից ստացված տեղեկատվության համաձայն
Իրանի Իսլամական Հանրապետության քաղաքացի Կիոոմարս Պարիզկարին RENAULT-
TONDAR 90K4M մակնիշի, VIN-NAALSRALDDA229260, 25AA105 պետհամարանիշի, 2013
արտադրության տրանսպորտային միջոցով Մեղրիի մաքսային կետով 23.10.2019
թվականին ժամը 15:55-ին անցել է Հայաստանի Հանրապետություն, սակայն նշված
տրանսպորտային միջոցը ՀՀ-ից սահմանված ժամկետում չի վերաարտահանվել:

05.10.2021 թվականին հարցումներ են կատարվել Արևմտյան մաքսատուն-
վարչությանը, Արևելյան մաքսատուն-վարչությանը, Հյուսիսային մաքսատուն-
վարչությանը, Արարատյան մաքսատուն-վարչությանը RENAULT-TONDAR 90K4M
մակնիշի, VIN-NAALSRALDDA229260, 25AA105 պետհամարանիշի, 2013 թվականի
արտադրության տրանսպորտային միջոցի ձևակերպման վերաբերյալ տեղեկատվություն
ստանալու նպատակով և Մեղրիի մաքսային կետ-բաժնին հարցում է կատարվել ելքի
մատյանի էջի վերաբերյալ:

Ի պատասխան հարցումների բոլոր մաքսատուն-վարչություններից ստացվել է
պատասխան, որ նշված տրանսպորտային միջոցն չի ձևակերպվել, իսկ Մեղրիի
մաքսային կետ-բաժնից ստացվել է վերոնշյալ տրանսպորտային միջոցի ՀՀ-ից ելքը
հավաստող մատյանի էջը:

Հարցում է կատարվել ՀՀ Ոստիկանության անձնագրային և վիզաների
վարչությանը Իրանի Իսլամական Հանրապետության քաղաքացի Կիոոմարս
Պարիզկարիի հաշվառման վայրի և կացության քարտի վերաբերյալ:

ՀՀ Ոստիկանության անձնագրային և վիզաների վարչությունից պատասխան է
ստացվել այն մասին, որ Իրանի Իսլամական Հանրապետության քաղաքացի Կիոոմարս
Պարիզկարիի հաշվառման վայրի և կացության քարտ վերաբերյալ տեղեկատվություն
առկա չէ:

Վարչական վարույթի շրջանակներում թիվ 05100041/231019/0000538835
մաքսային մուտքի օրդերով ՀՀ ներմուծված տրանսպորտային միջոցի խախտման օրվա
դրությամբ՝ ազատ շրջանառության համար բացթողնելու դեպքում նախատեսված
մաքսային վճարների չափի վերաբերյալ հարցում է կատարվել ՀՀ ՊԵԿ ՀՄՎ
վարչության համապատասխան ստորաբաժանմանը:

Համաձայն ՀՀ ՊԵԿ ՀՄՎ Մաքսային գործառնությունների բաժնի կողմից տրամադրված տեղեկանքի թիվ 05100041/231019/0000538835 մաքսային մուտքի օրդերով ՀՀ ներմուծված տրանսպորտային միջոցի խախտման օրվա դրությամբ՝ ազատ շրջանառության համար բացթողնելու դեպքում նախատեսված մաքսային վճարների չափը կկազմի 2659996.8./երկու միլիոն վեց հարյուր հիսունինը հազար ինը հարյուր իննսունվեց դրամ ութ լումա/ ՀՀ դրամ:

ՀՀ Մաքսային օրենսգրքի 219-րդ հոդվածի 2-րդ մասի համաձայն.

Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Վարչական վարույթի ուսումնասիրությունից, ներքին համոզմունքից և ինչպես նաև ՊԵԿ Ներքին անվտանգության վարչության տրամադրված սահմանահատումների պատմությունից ելնելով՝ գտնում ենք, որ ելքի մատյանի էջն անարժանահավատ է, հետևաբար Իրանի Իսլամական Հանրապետության քաղաքացի Կիոոմարս Պարիզկարի արարքում առկա է ՀՀ մաքսային օրենսգրքի 199-րդ հոդվածի 1-ին մասով նախատեսված մաքսային կանոնների խախտման դեպքը:


Այսպիսով, մաքսային կանոնների խախտման վերաբերյալ վարույթի նյութերով հիմնավորվում է, որ Իրանի Իսլամական Հանրապետության քաղաքացի Կիոոմարս Պարիզկարի անվամբ 23.10.2019 թվականի թիվ 05100041/231019/0000538835 մաքսային մուտքի օրդերով ՀՀ ժամանակավոր ներմուծված RENAULT-TONDAR 90K4M մակնիշի, VIN-NAALSRALDDA229260, 25AA105 պետհամարանիշի, 2013 թվականի արտադրության տրանսպորտային միջոցը սահմանված ժամկետում չի վերաարտահանվել, ինչով պայմանավորված թույլ է տվել որ Իրանի Իսլամական Հանրապետության քաղաքացի Կիոոմարս Պարիզկարի:

Ելնելով վերոգրյալից և ղեկավարվելով ՀՀ մաքսային օրենսգրքի 199-րդ, 219-րդ, 221-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

1. ՀՀ մաքսային օրենսգրքի 199-րդ հոդվածի 1-ին մասով նախատեսված մաքսային կանոնների խախտում կատարելու համար Իրանի Իսլամական Հանրապետության քաղաքացի Կիոոմարս Պարիզկարին ենթարկել վարչական պատասխանատվության՝ տուգանելով **1329998.4 /մեկ միլիոն երեք հարյուր քսանինը հազար ինը հարյուր իննսունութ դրամ չորս լումա/** ՀՀ դրամի չափով /2659996.8:2/:
2. Որոշման մասին հայտնել Իրանի Իսլամական Հանրապետության քաղաքացի Կիոոմարս Պարիզկարին:
3. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ մաքսային օրենսգրքի 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. **900005024055՝ 1329998.4 դրամ (ՀՀ պետական բյուջե, կենտրոնական գանձապետարան, Հարավային մաքսատուն-վարչություն, ԿՈԴ 30):**

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՅԿ ՄԻՐԶՈՅԱՆ